

THUTO EA THABENG

Lenane-thuto

Notes

—

KAROLO #1:

I. Selelekela.

KAROLO #2:

II. Boleng ba 'Muso (Math 5:3-12).

KAROLO #3:

II. Boleng ba 'Muso(nts'etso-pele).

III. Boikarabello ba 'Muso (Math 5;13:19).

KAROLO #4:

IV. Mekhoa ea 'Muso (Math 5:20-48).

V. Litemoso/litlhokomeliso tsa 'Muso (Math 6:1-24).

KAROLO #5:

VI. Chalimo ea 'Muso (Math 6:23-34).

VII. Sebopeho sa 'Muso (Math 7:1-12).

VIII. Bonnete ba 'Muso (Math 7:13-29).

TLHAHLOBO.

THUTO EA THABENG

Notes

Tlhahlobo

Lipotso tse ka lebelloang, limaraka li 20

- 1) Hlalosa kamoo polelo ea ba-lehlohonolo e qalang, e leng selelekela le kakaretso e otlolohileng ea Thuto ea Thabeng (leq. 69)?
- 2) Khetha e ngoe ea lipolelo tsa ba-lehlohonolo, ebe o hlalosa moelelo oa eona o ipapisitse le qholotso ea eona, le molaetsa oa eona, le ho kenella ha ho shoa bo-rona ho teng. Kenyeletsa polelo e qetellang polelo eo ea ba-lehlohonolo (maq. 70-80).
- 3) Hlalosa kamoo Math 5:16 le Math 6:1 li lumellanang ka teng (maq. 87-88).

Lipotso tse ka lebelloang, limaraka li 10

- 1) Ka lipolelo tse peli, hlalosa kamoo Thuto ea Thabeng, e leng molaetsa o “hanyetsang litsela tsa lefats’e ka teng” (maq. 66-67).
- 2) Temana ea mantlha ea Thuto ke e fe, ke ka tsela e fe e leng temana ea mantlha (leq. 67)?
- 3) Hlalosa kamoo thuto ea Thabeng e ka nkoang e le maikutlo a hlalosang Math 16:24, 25 (leq. 69).
- 4) Fana ka polelo ea qetello ea polelo ea ba-lehlohonolo ho Math 5:5 (maq. 74, 75).
- 5) Hlalosa “Batlang ‘Muso pele’” ho tsoa ho Math 6:33 (leq. 90).
- 6) Sebelisa mantsoe “Ha ho le joalo” ho Math 7:12 ho fana ka qetello malebana le katamelo ea ‘Muso (leq. 93).

THUTO EA THABENG

Boithuto ba Matheu 5-7

Notes —

Ntlha ea Puisano

Litaba tsa Sengoli: “Thuto ea Thabeng” ke sehlooho sa thuto ea pele ea Jesu e ngotsoeng ho Matheu. Lichabeng tse ling, sehlooho sena se ka ‘na sa se sebelisoa. Hape, sheba lits’oano tsa eona le “Thuto ea Motsitseng” (Luka 6:17-49). Thutong ena, re tla e bitsa feela ‘molaetsa/thuto.’

I. Selelekela.

A. Bohlokoa ba Thuto ea Thabeng.

1. Ho fihlela boemong bo itseng, bohlokoa ba sehlooho se fe kapa se fe bo ka kaloa ka palo ea libuka tse ngotsoeng ka eona.
 - a. Hona le libuka tse ngata haholo tse ngotsoeng ka Thuto ena ho feta likarolo tsohle tsa lithuto tsa Jesu.
 - b. Ke thuto ea pele ea Jesu e ngotsoeng ho Matheu. E bohlokoa haholo. Likhaolong tse tharo, Thuto ena e bua ka lintho tseo bohlokoa ba botho bo neng bo ke ke ba li fihlela ka libuka tse 3000. Bohlokoa ba eona ho Mokreste bo hlakile.
2. Bukeng ea hae e bitsoang, A Few Buttons Missing: The Case Book of a Psychiatrist, James Fisher o hlalosa bohlokoa ba Thuto ka tsela e latelang:

“Leha o ne o ka nka kakaretso ea lingoloa tsohle tse kholo, tse matla, tse ngotsoeng ke barabohlale le boramahlale, le lingaka tse rutehileng ka ho fetisisa tabeng ea ho ntlafala ha kelello—leha o ne o ka li kopanya tsohle, oa li hokahanya, oa fumana manoni oohle a tsona—leha o ne o ka ba le tsebo eohle ea boramahlale, e hlahisitsoeng ke liroki tse nang le bokhoni bo boholo, o ne o ntse o ke ke oa fihlella leha e le feela karoloana ea Thuto ea Thabeng.”¹

THUTO EA THABENG

Notes

B. Sepheo sa Thuto ea Thabeng.

1. Boleng ba molaetsa.

a. Thuto ena ke botoloki ba Johanne 18:36. Ke thuto e hlakileng e bonts'ang hore na 'Musong oa Molimo ha se oa lefats'e lena joang.

1) John Stott, setsebi se tummeng haholo sa thuto-Molimo, monna oa British, o re molaetsa o Thutong o "hanyetsa litsela tsa lefats'e."²

2) 'Nete ke hore, ntho e ngoe le e ngoe Thutong, e fapane le litsela tsa lefats'e ka botlalo. E ne e bile e fapane le litsela tsa lichaba le meetlo ea nako eo.

3) Mekhoa ea 'Musong e hloka bophelo bo fapaneng ka botlalo le bophelo ba lefats'e lena. 'Musong oona ha se mokhoa o fapaneng oa bophelo ba lefats'e.

a) Kahoo, Thuto ena ha e akofise limelo tsa "lichaba tsa lefats'e" tsa borabele le likhoka. Empa teng e akofisa phapano.

b) Ho phela 'Musong oa Molimo ke ho fapana le lefats'e. Ha se ho fapana ho bonolonyana feela. Ehlile ke ho khaohana le lefats'e ka botlalo, kaha 'Musong oa Molimo o fapane ka botlalo le lefats'e.

b. Molaetseng oona o fapaneng le ho hanyetsa meetlo ea lichaba tsohle, Thuto ea thabeng e re qholotsa ho lemoha linnete tsa bophelo ba Bokreste. E re qholotsa ho itela bakeng sa ho ba Bokreste, 'me re felise le ho arohana le Bokreste "motoana" kapa bo se nang "boinehelo" bo tebileng, e leng Bokreste ka "lebitso feela."

1) Ha re bapisa le chalimo ea lefats'e, ha ho letho le boleloang ka lebitso *feela* Bokresteng. Ntho e ngoe le e ngoe e bonts'oa ka matla a maholo. e ts'oana le phapano e pakeng tsa bosiu le mots'eare.

2) Kahoo, Molimo o bolela lenyatso la Hae ho ba "ipitsang ka lebitso feela ho se liketso le bopaki" ho Ts'enolo 3:15,16. Ho ba Bokreste "motoana" kapa ea "fofo" ha se ntho e hlileng e leng bonolo.

THUTO EA THABENG

3) Molimo o boetse o bolela lenyatso la hae khahlanong le tumelo e se nang botebo (liketso le litloaelo tsa bokantle feela, ho se boinehelo kapa boitolobetso ba 'nete bo tebileng kahare) ho Malak 1:10, ebile o hlalosa hore ha e na thuso.

a) Joalokaha Thuto ea Thabeng e bonts'a, ha ho letho le sa tebang, le se nang 'nete 'Musong oa Molimo. O ka holimo ho lichaba tsohle.

b) Ke bophelo bo fapaneng hole le ba lefats'e. Bo lokela ho shebahala joaloka bophelo ba molichaba (Baf 3:17, 20; Johan 17:14-16).

Beha mohlala oa hau

2. Temana ea mantlha ea Thuto ea Thabeng ke Math 6:8.

a. Mantsoe ana **“empa le se ke la ts'oana le bona”** a ka sebelisoa e le sehlooho se ts'oanelehang sa Thuto ea Thabeng. Mantsoe ana a akaretsa molaetsa oa thuto ea thabeng le sepheo sa cona.

b. Kannete, hona esale e le sepheo sa Molimo ho tloha lefats'e le thehiloe. Esale a batla ho ipokellela (ho ikarolela) batho bao e leng ba Hae. Batho ba Molimo esale ba bitsoa ba-halalelang. Esale a ba bilelitse ho ba batho ba fapaneng ka botlalo le batho ba lefats'e lena (bala Lev 18:1-4).

3. Thuto ena le rona ke ea rona.

a. Batho ba bang ba bangata ba lekile ho etsa khang ea hore Thuto eo, ke lipolelo tse hlalosang kamoo bophelo bo tla ba ka teng leholimong.

b. Ba re ho thata ho phela Thuto eo hajoale, e reretsoe ho pheloa 'Musong oa Molimo Bokamosong.

1) Maikutlo ana a bonts'a ho se utloisise boleng ba 'Muso oa Molimo. Thuto ea Testamente e ncha e re “'Muso oa Molimo o se o le teng, ebile ha o so be teng [ka botlalo].” Hona ho bolela hore o se o le teng bakeng sa rona, empa ha o so tle ka botlalo.

Notes

THUTO EA THABENG

Notes

- 2) Tje kaha ‘Muso o tlile empa e se ka botlalo, Thuto ea Thabeng e reretsoe rona kajeno, empa le teng e ntse e tla ba teng le kamoso.

Beha mohlala oa hau

C. Lintlha tsa Thuto ena.

1. Ha re na khona ho etsa boithuto bo tebileng, ka botlalo ba Thuto ea Thabeng thutong ena e le ngoe. Leha ho le joalo, sepheo sa rona ke ho utloisisa moelelo-kholo oa molaetsa le ho ithuta likarolo tse itseng tsa molaetsa.
2. Hore re tle re khone ho etsa hona, re arotse Thuto ea Thabeng likarolo tse supileng:
 - a. Boleng ba ‘Muso (Math 5:3-12).
 - b. Boikarabello ba ‘Muso (Math 5:13-19).
 - c. Mekhoa ea ‘Muso (Math 5:20-48).
 - d. Litemoso/litlhokomeliso tsa ‘Muso (Math 6:1-24).
 - e. Chalimo ea ‘Muso (Math 6:25-34).
 - f. Sebopeho sa ‘Muso (Math 7:1-12).
 - g. Bonnete ba ‘Muso (Math 7:13-29).
 - 1) Karolong ka ngoe, re tla ba le maikutlo a akaretsang. Karolo ea pele ebile e kenyeletsa boithuto bo pharaletseng ba limelo le libopeho tsa ‘Muso.
 - 2) Sehlooho sa karolo ka ngoe se kenyeletsa lentsoe “‘Muso” hobane Thuto ea Thabeng e reretsoe batho ba batlang ho phela ‘Musong. Hoo ke hore e reretsoe balateli le barutuo ba Jesu (bala Math 5:1, 2).

THUTO EA THABENG

II. Boleng ba 'Muso (Bala Math 5:3-12).

A. Thuto ea Thabeng e qala ka lethathamo la Limelo le libopeho tsa 'Muso.

1. Lentsoe “ba-lehlohonolo” le bolela “hlohonolofalo, kapa ho thaba.” Ka puo ea senyesemane, lethathamo lena ke la “libopeho tsa ba hlohonolofetseng,” ‘me li bitsoa “ba-lehlohonolo.” Kannete libopeho tsa “ba-lehlohonolo” li lokela ho labalabeloa. Li sebetsa e le selemekela le kakaretso ea Thuto eohle ea Thabeng. Kahoo thuto ena ea rona e shebana le karolo ena ea pele.
2. Polelo ea pele ea Lehlohonolo, e ema e le selemekela le kakaretso ea Thuto eohle.
 - a. Thuto ena ea Thabeng, ke molaetsa ka 'Muso oa Molimo.
 - b. Ke bafumanehi moeeng feela (e leng ba se nang letho leo e leng la bona) ba ka phelang 'Musong oa Molimo, hobane ke batho bao ba fumanehileng moeeng, ba se nang letho, ba ka lumellang Morena ho kena maphelong a bona.
 - c. Ka nako e ngoe, batho ba reng ha ho bonolo ho phela ka botlalo ka limelo tsena tsa Thuto eo, ba a nepa. Hona ke eona ntlha e polelong ea pele ea ba-lehlohonolo. Ka bo-rona, re ke ke ra khona ho phela ka libopeho tsena, re hloka thuso. Ke Jesu feela ea ka phelang ka tsela eo.
 - 1) Kahoo, tsela e ngoe feela eo re ka phelang ho ea ka libopeho tsena, ke ha re lumella Jesu ho phela ka ho rona. kahoo, monyetla oo o re hloka ho futsaneha moeeng.
 - 2) Tsela e ngoe ea ho cho hona ke hore, tsela e le ngoe eo rona ba sa phethehang re ka bonts'ang phetheho (5:48), ke ho lumella ea phethehileng ho phela ka ho rona.
3. Thuto ea ba-lehlohonolo (ekasitana le Thuto eohle) e ka utloisisoa e le botoloki bo batsi ba Math 16:24,25.
 - a. Polelo ka ngoe, e re qholotsa ho phehella ho phela re ntse re shoa bo-rona ka tsela e itseng.
 - b. Taba-kholo e bonahala e le ho faneng haholo. Ketso ka ngoe ea ba-lehlohonolo, e bonts'a hore re lokela o fana ka ho hong ha rona.

Ntlha ea Puisano

Sebelisa ntlha e fetileng ho akofisa puisano.

Notes

—

THUTO EA THABENG

Notes

Sebelisa sets'oants'o sena ho u thusa ho ruta ka ba-lehlohonolo. Lemoha kamoo likarolo tse fapaneng tsa "bo-nna" li lokelang ho behoa sefapanong ka teng.

	Johan 3:16 LERATO HO FANA LIK 20:35	
BOPHELO BO SA FELENG/ MAHALA/ AMOHELA		BAKANG LE LUMELE/ TEFO/ FANA
'Muso oa Molimo	BO-NNA Boits'epo	Bafumanehi moeeng
ho ts'elisoa	BO-NNA Boiketlo	Ba llang
majalefa a lefats'e	BO-NNA Boikutlo	Ba bonolo
ho khorisoa	BO-NNA Khotsofalo	Ba lapetseng, ba nyoriloeng
ho hauheloa	BO-NNA Ho loka	Ba Mohau
ho bona Molimo	BO-NNA Boipokello	Ba pelo li hloekileng
Bara ba Molimo	BO-NNA Litokelo	ba bolokang khotso
'Muso oa Molimo/moputso	BO-NNA Botumo	Ba hlorisoang/ba rohakoang

B. Boithuto bo pharaletseng ba Math 5:3-12.

1. Selekela: Ho fana le ho Amohela.

- a. Ho amohela ho bonolo ho feta ho fana. Batho bohle ba batla ho fumana bophelo bo sa feleng, empa ha se batho bohle ba batlang ho baka le ho lumela. Pholoho (bophelo 'Musong) ke mahala, empa e ea bitsa, e turu!!!.

THUTO EA THABENG

- b. Ha e ture ka hore re lokela ho fana ka ho hong bakeng sa ho e fumana. E turu ka hore, re lokela ho fana e le hore re nehele ho Molimo seo ka nepo e seng e ntse e le sa hae.
- c. Ho fana ke ketso ea lerato (Johan 3:16).
- d. Ho fana e lokela e be eona pheo ea rona (Liketso 20:35). Lemoha kamoo Liketso 20:35 le ba-lehlohonolo li hokahantsoeng ka teng.
 - 1) Ho lehlohonolo ba fanang. Hoo ke hore, ho lehlohonolo ba fanang ka bo-bona, ka ho shoa bo-bona.
 - 2) Sebopeho sa ba phelang ‘Musong oa Molimo se hlaloso ke lentsoe “fana.”

Notes

Mohlala oa Sengoli:

Leoatle le shoeleng, ke leoatle le tletseng letsoai Palestina. Le bohlasoa hoo ho seng letho le ka phelang moo. Leha ho le joalo, leoatle le shoeleng, ha lea shoa hobane le sa fumane metsi. Le bolelele bo fetang likilomethara tse 48, le bophara bo fetang likilomethara tse 10. Letsatsi ka leng, lithane tse limilione li 6.5 tsa metsi, li kena leoatleng leo. Hona le metsi a mangata, empa ha ho letho le ka phelang moo.

Leoatle lena, le shoele hobane le sa fane. Ha ho letho le *tsoelang* (ha le ntse ho hang) ka ntle ho Leoatle le Shoele. Ha le fane ka letho.

Ho fana ke ketso ea lerato. Ho boetse ho tlisa bophelo. Hona ke oona molaetsa oa ba-lehlohonolo. Ho fana ka bo-uenana (ho shoa bo-uenana) ke ho amohela bophelo (ho phela ‘Musong oa Molimo). Boela o bale Math 16:24, 25.

Beha mohlala oa hau

THUTO EA THABENG

Notes

2. Boithuto bo pharaletseng ba Math 5:3.

a. Qholotso, kapa tlameho (tefo) e temaneng ena.

- 1) Ho futsaneha moeeng ke ho itela. Ke ho bolela tlhoko ea hau e tebileng ea semoea. Ke ntho e khahlanong le boikhono ba botho. Bofutsana ba moea, bo bolela tlhoko ea moea ka botlalo.

Ntlha ea Puisano

Sebelisa Johan 15:5 ho akofisa puisano mabapi le bofumanehi moeeng.

2) Jesu o arabela qholotso ena.

Ntlha ea Puisano

Sebelisa Johan 5:19 ho bona kamoo Jesu a ileng a arabela qholotso ea boits'epo le boikhono ka teng.

b. Re lokela ho shoa bo-rona ka ho fana kapa ho tlohela boits'epo le boikhono.

- 1) Ba phelang 'Musong ba lokela ho shoa litakatsong tsa bona le boits'epong.

2) Ba lokela ho its'etleha le ho ts'epa Molimo a 'nots'i (Liprov 3:5).

c. Ho fana, kapa tlhohonolofatso (mpho ea mahala) ea temana ke hore, ho ba 'Musong oa Molimo, ke ho phela tlasa taolo le tsamaiso ea Jesu.

d. Qetello ea taba ena ke hore, re lokela ho bolela hore re ke ke ra khona ho etsa letho kante ho Jesu, kahoo re tla ba le bokhoni ba ho etsa tsohle ka Jesu.

THUTO EA THABENG

Beha mohlala oa hau

Notes

3. Boithuto bo pharaletseng ba Math 5:4.
- a. Qholotso, kapa tlameho (tefo) e temaneng ena.
- 1) Ho lla, ke ho robeha pelo ka baka la sebe sa hau le sebe sa lefats'e lohle. Ke karabelo e nepahetseng taelong ea Jesu ea ho baka.
 - a) Ho lla ha mofuta oona, ke ho utloa bohloko ka mokhoa o amohelhang ho Molimo, e seng ho lla ho ea ka lefats'e (ithute ka phapano joalokaha e hlalositsoe ho 2 Bakr 7:10). Ha se ho ikhauhela kapa ho itlhaba ka mahlomola, empa ke llela Molimo.
 - b) Tlhorho ena e kenyeletsa kopanelo. Ho lla ho etsetsoa le sebe sa lefats'e (bala Pes 119:136).
 - 2) Jesu o arabela qholotso ena.

Ntlha ea Puisano

Sebelisa Mangolo a latelang ho akofisa puisano mabapi le kamoo Jesu a ileng a lla ka baka la sebe, le kamoo a ileng a arabela sebe sa rona ka teng.
Esa 53:3, 4, 7, 11, 12; le Math 23:37.

- b. Re lokela ho shoa bo-rona ka ho lahla le ho tlohela boiketlo ba rona (ho ikhotsofalla).
- 1) Sebe se lokela ho hlouoa e le hore o tle o hloke boiketlo ka baka la sebe sa hau le sebe sa lefats'e.
 - 2) Ba phelang 'Musong, ba lokela ho shoa tloaelong ea ho tlolisa sebe mahlo holimo.

THUTO EA THABENG

Notes

- c. Ho fana, kapa tlhohonolofatso (mpho ea mahala) ea temana ena ke hore, ho ts'elisoa ke ho ba le khotso le Molimo le uena (bala Johan 14:1, 27).
- d. Qetello ea temana ena ke hore, ha rea lokela ho ikhotsofalla; hoo ho tla re thusa ho ts'elisoa ke Jesu.

Beha mohlala oa hau

4. Boithuto bo pharaletseng ba Math 5:5.

- a. Qholotso, kapa tlameho (tefo) e temaneng ena.
 - 1) Ho ba mosa ke ho ba bonolo ka ho sebelisa boits'oaro. Hona ho bolela hore o ikemiselitse ho ts'oeloa empa uena e be ha o phetsetse hoo. Ke matla a 'nete a suptjoang ke ho lokolloa boiphetetso. Bokhoni bona ke tholoana ea chalimo ea 'nete ka uena. Hoo ke hore, ha o na litokelo tsa ho ts'oarella linthong.
 - 2) Jesu o araba qholotso ena.

Ntlha ea Puisano

Sebelisa Baf 2:6 ho akofisa puisano mabapi le kamoo Jesu a arabelang qholotso ea ho behella litokelo tsa hau thoko.

THUTO EA THABENG

b. Re lokela ho shoa bo-rona ka ho tlohela le ho nehelana ka boikhabo, boichebo kapa boikutlo, e leng ho nahana ho feta tekanyo ka bo-uena, ho feta kamoo o lokelang ka teng (Bar 12:3; Bag 6:3).

1) Melemo kapa litokelo ha li ts'oarelloe, empa li ea fanoa.

2) Ba phelang 'Musong ba lokela ho shoa maikutlong a boikhabo le ho icheba bo-bona.

c. Ho fana, kapa tlhohonolofatso (mpho ea mahala) ea temana ena ke hore, ho ja lefats'e lefa, ke ho ateloa 'Musong oa Molimo. Hantle-ntle, ke ho ja lefats'e le lecha le leholimo le lecha lefa (Ts'en 21:1).

d. Qetello kapa sephetho sa temana ena ke hore, ha rea lokela ho ipona re na le tokelo; 'me ka Jesu re tla ateloa haholo.

Beha mohlala oa hau

5. Boithuto bo pharaletseng ba Math 5:6.

a. Qholotso, kapa tlameho (tefo) e temaneng ena.

1) Ho lapela le ho nyoreloa ho loka, ke ho tela litakatso tsa nama kapa tsa botho bakeng sa ho hola kutlong le ho phetheng thato ea Molimo le ho labalabela phelisano ea toka.

2) Jesu o arabela qholotso ena.

Ntlha ea Puisano

Sebelisa Johan 6:38, ho akofisa puisano ea kamoo Jesu a ileng a tela litakatso tsa hae ka teng.

Notes

—

THUTO EA THABENG

Notes

b. Re lokela ho shoa bo-rona ka ho tela le ho tlohela litakatso tsa rona le boikhotsofatso.

1) Lithato le litakatso tsa nama li lokela ho tloheloa.

2) Ba phelang 'Musong ba lokela ho shoa lithatong tsa nama e be ba lapela thato ea Molimo.

c. Ho fana, kapa tlhohonolofatso (mpho ea mahala) ea temana ena ke hore, ho khotsofatsoa ke ho tlatsoa. Thabo ea hau e ea tlatsoa (bala Johan 15:11).

d. Qetello ea temana ena ke hore, re lokela ho rekisa ka litakatso tsa nama le boikhotsofatso bakeng sa ho khahlisa Molimo, 'me re tla tlatsoa.

Beha mohlala oa hau

6. Boithuto bo pharaletseng ba Math 5:7.

a. Qholotso, kapa tlameho (tefo) e temaneng ena.

1) Ho ba mohau ke ho ts'oarela ba bang, le ho ba le kutloelo-bohloko ho ba mats'oenyehong le ba hlokang. E khahlanong le ho loka ha botho ho ka thibelang motho ho bonts'a mohau.

2) Jesu o araba qholotso ena.

Ntlha ea Puisano

Sebelisa Bah 4:15 ho akofisa puisano mabapi le mohau oo a o bonts'ang bakeng sa rona.

THUTO EA THABENG

- b. Re lokela ho shoa bo-rona ka ho lahla le ho furalla ho loka ha botho.
 - 1) Ho ahlola le ho nyatsa ba bang ho tlisoa ke ho loka ha botho, kahoo ho lokela ho tlohelo.
 - 2) Ba phelang 'Musong ba lokela ho shoa ho lokeng ha botho.
- c. Ho fana, kapa tlhohonolofatso (mpho ea mahala) ea temana ena ke hore, ho amohela mohau, ke ho fuoa monyetla oa bobeli.
- d. Qetello ea temana ena ke hore, re lokela ho fa batho ba bang monyetla oa bobeli, kahoo Molimo o tla re fa monyetla oa bobeli (bala Luk 6:36 le Math 6:14, 15). Ha re ka khaohana le ho loka ha bo-rona, re tla fumana ho loka ha 'nete ka mohau oa Molimo.

Beha mohlala oa hau

7. Boithuto bo pharaletseng ba Math 5:8.

- a. Qholotso, kapa tlameho (tefo) e temaneng ena.
 - 1) Ho ba le pelo e hloekileng, ho kenyeletsa bohloeki ba 'nete bo kahare (bala 1 Bakr 6:18-20). E boetse e kenyeletsa bohloeki bo bonahalang kantle le boinehelo (ho halalela, ho se ts'oane le lefats'e, le mohopolo o le mong (bala 1 Sam 1:28). E belietsa hore 'mele le bophelo ba hau, ha se tsa hau.
 - 2) Jesu o araba qholotso ena.

Discussion Point

Sebelisa Johan 10:11 ho akofisa puisano mabapi le kamoo Jesu a bonts'ang pelo e hloekileng ka teng.

Notes

THUTO EA THABENG

Notes

b. Re lokela ho lahla boipokello.

1) Bolokolohi ba ho etsa eng kapa eng eo o e ratang bo lokela ho tlohelo.

2) Ba phelang 'Musong ba lokela ho khaohana le boipokello le taolo maphelong a bona.

c. Ho fana, kapa tlhohonolofatso (mpho ea mahala) ea temana ena ke hore, ha o bona Molimo, o lokela ho bona eo o leng oa hae (mong'a hau), 'mopi le motsamaisi. Ke molemong oa hore o tle o se "timele" (Lipro 29:18).

d. Qetello ea temana ena ke hore, re lokela ho emisa ho itaola, e le hore re tle re bone eo e leng mong'a rona ka sebele.

Beha mohlala oa hau

8. Boithuto bo pharaletseng ba Math 5:9.

a. Qholotso, kapa tlameho (tefo) e temaneng ena.

1) Ho ba 'moloki oa khotso ke ho qoba pherekano ka ho tlohella litokelo tsa hau. Hlokomela kamoo Abrame a entseng ka teng ho Gen 13:7-9 (bala 1 Bakr 6:7). Ke ho akofisa kopano pakeng sa batho le pakeng tsa motho le Molimo.

2) Jesu o araba qholotso ena.

Ntlha ea Puisano

Sebelisa Baf 2:7 ho akofisa puisano mabapi le kamoo Jesu a ileng a tlohela litokelo tsa hae ka baka la rona.

THUTO EA THABENG

b. re lokela ho fana le ho tela litokelo tsa rona.

- 1) Leha o na le litokelo, o ikemisetsa ho li behella thoko bakeng sa ho akofisa khotso.
- 2) Ba phelang 'Musong, ba lokela ho behella litokelo tsa bona thoko bakeng sa evangeli ea khotso (bala 1 Bakr 9:4-6,18, 19).

c. Ho fana, kapa tlhohonolofatso (mpho ea mahala) ea temana ena ke hore, ho ba mora, ke ho ts'oana le ntate. Ho ba Mora oa Molimo, u lokela ho ba joalo ka Ntate Molimo. Ke ho fumana litokelo tsa mora.

d. Qetello ea temana ena ke hore, re lokela ho behella litokelo tsa rona thoko, 'me re tla fumana litokelo tsa ho ba mora.

Beha mohlala oa hau

9. Boithuto bo pharaletseng ba Math 5:10-12.

a. Qholotso, kapa tlameho (tefo) e temaneng ena.

- 1) Ho hlorisetsoa ho loka, ke ho rohakoa le ho qosoa ka mashano. E kenyeletsa ho nyefoloa le ho tlontlolloa maikutlong le nameng. Ho kenyeletsa ho ba karolo ea mahloko a Krete (bala Baf 3:10; Johan 15:19-21). Ke ho lahlehelo a botumo ba hau le khanya ea hau ka baka la Krete.
- 2) Jesu o arabela qholotso ena.

Ntlha ea Puisano

Sebelisa Mangolo ana ho akofisa puisano mabapi le kamoo Jesu a ileng a siea khanya ea hae ka teng. Baf 2:7; Johan 17:5; le Math 27:12.

Notes

THUTO EA THABENG

Notes

—

- b. Re lokela ho ikemisetsa ho lahlehelo a ke botumo ba rona.
 - 1) U lokela ho ikemisetsa ho tlontlolloa kapele ho lefats'e ka baka la evangeli.
 - 2) Ba phelang 'Musong ba lokela ho shoa botumong ba bona.
 - c. Ho fana, kapa tlhohonolofatso (mpho ea mahala) ea temana ena ke hore, ho ba 'Musong oa Molimo ke ho amohela meputso. Ke amohela khanya le botumo ba Jesu (bala 2 Bathes 2:14).
 - d. Qetello ea temana ena ke hore, re lokela ho tlohela le ho furalla khanya le botumo ba botho, joale re tla fumana khanya le botumo ba Molimo.
10. Qetello malebana le Semelo sa 'Muso.
- a. Leoatle le shoeleng, le shoele hobane le sa nts'e kapa ho fana ka letho. Le linaha tse ling li ea shoa hobane li sa fane ka letho. Li shoa hobane li sa phele ka melao ea Molimo eo re e bonang ho ba lehlohonolo.
 - 1) Mohlala, hona le tlaleho e reng, naha ea America e fana chelete e ngata lifemeng tsa litlolo ho feta mosebetsi oa borumuoa.
 - 2) Joaloka leoatle le shoeleng, naha ea America ke naha e nang le bokhoni bo boholo. E amohela evangeli haholo, empa eona e fana hanyane ka mokhoa o makatsang. (bala Luk 12:48).
 - a) Ha ho bophelo ntle le lefu (Math 16:24, 25; Johan 12:24, 25).
 - b) Ha ho ba-lehlohonolo ho se tlhohonolofatso.

THUTO EA THABENG

b. Re hopotsoa ka ntlha e ho Gen 12:1-3.

- 1) Molimo o boleetse Abrahamama hore o tla hlohonolofala.
- 2) Eaba Molimo o bolella Abrahamama hore e tla ba tlhohonolofatso.
- 3) Re ka bona hona Historing ea Israele, ha re emisa ho ba tlhohonolofatso ho batho ba bang, Molimo o emisa ho re hlohonolofatsa. Hoo ke kamoo litaba li leng ka teng (Selelekela).

c. Jesu ke Eena feela ea neng a na le monyetla oa hore a ka ruta Thuto eo. Ke Eena feela ea nang le bokhoni ba ho phela linnete tsa Thuto eo ka botlalo. O ile a shoa bo-Eena, a tela tsohle, a fana ka bo-Eena ka hohle. E ne e le sesupo se hlakileng sa Ba-lehlohonolo.

Notes

—

III. Boikarabello ba ‘Muso (Boithuto ba Math 5:13-19).

A. Boleng ba boikarabello ba ‘Muso.

1. Botlalo- boikarabello ba ba phelang ‘Musong bo tletse.
 - a. Ke letsoai la **lefats’e** (tem. 13).
 - b. Ke leseli la **lefats’e** (tem. 14).
 - c. Lebone le molemong oa **bohle** ba ka tlung (tem. 15).
 - d. Ha ho le **tlhaku** e le ngoe ea **molao** e tla hlakoloa (tem 18)

Ntlha ea Puisano

Sebelisa ntlha e fetileng ho akofisa puisano ka boikarabello ba ‘Muso.

2. Ho aroloa- ba nang le boikarabello le bao e leng baamoheli ba ts’ebeletso ke mefuta e ‘meli e arohaneng haholo.

a. Hona le ba leng **lefats’eng**, hona le ba **iphelelang ho ea kamoo ba ratang**.

THUTO EA THABENG

Notes —

- b. Hona le bao e leng (lona) **letsoai** le **leseli** la lefats'e.

Ntlha ea Puisano

sebelisa ntlha e fetileng ho akofisa puisano mabapi le ho aroloa.

3. Ketso le khothaletso ea ho nka khato.

- a. Letsoai le lokela ho sebetsa. Le boloka nama e ntse e nepahetse. E boetse e etsa batho hore ba thabele ho ja nama kaha le etsa tatso e monate.
- 1) Re le Bakreste re lokela ho sebetsa. Re lokela ho sireletsa le ho boloka lefats'e le bolang ka baka la sebe.
 - 2) Ka nako e ts'oanang, re lokela ho khothaletsa ba bang ho sebeletsa ka ho etsa bophelo bona bo latsoeche ha monate.
- b. Lebone le lokela ho sebetsa. Le lokela ho khanya le leleke lefifi. Ka nako e ts'oanang, le lokela ho khanyetsa ba bang hore ba tsamae khanyeng.
- 1) Re le Bakreste, re lokela ho sebetsa. Re lokela ho hlola lefifi la lefats'e ka liketso tsa rona.
 - 2) Ka tsela e ts'oanang, re lokela ho etsa hore lintho li hlake, li khanye bakeng sa ba bang, le ho ba khothaletsa ho sebetsa.
- c. Re lokela ho sebetsa. Re lokela ho **boloka** molao oohle. Re boetse re lokela ho khothaletsa ba bang ho etsa hoo. Hona ke hore re lokela ho ba ruta melao.
- 1) Re lokela ho sebetsa le ho atisa liketso tsa rona. litalenta tsa rona li lokela ho sebetsa **le** ho ata. Hona ke oona molaetsa oa papiso ea litalenta (Math 25:14-30).
 - 2) Boikarabello bona bo ntlha-peli e boetse ke molaetsa oa Bae 4:11,12. Baevangeli ba lokela ho evangela. Ba lokela ho hlomella le ho ruta ba bang ho evangela. Baruti ba lokela ho ruta. Ba lokela hore ba be ba hlomelle ba bang ho ruta.

THUTO EA THABENG

Beha mohlala oa hau

Notes

B. Teman'a Mantlha ea Boikarabello ba 'Muso - Math 5:17.

1. Bakreste ba phela ka mohau. Leha ho le joalo, hona ha ho bolele hore ba lebale maikarabello a Molao (joalokaha ho bonts'itsoe melaong e 10 ho Eksoda 20).
2. Jesu o ne a boloka molao. Ha a ka ba a senya kapa ho tloisa Molao mahlo. O bolokile molao ka botlalo.
 - a. O phethile litebello tsa Molao, 'me joale o re thusa ho phetha maikarabello a rona hoba o phela ka ho rona (bala Bag 2:20 le Bar 8:4).
 - b. Taba ea hore re phela ka holimo ho Molao hajoale, ha se hore re lokela ho lebala maikarabello a rona kahar'a molao. Hona ho bolela hore re fuoa bokhoni ba ho phetha molao, kahoo re lokela ho o etsa karolo ea maphelo a rona bakeng sa ho fihlella maikarabello a rona re le batho ba 'Muso (Bala Bar 3:31).

Ntlha ea Puisano

Sebelisa ntlha e fetileng ho akofisa puisano mabapi le ho phethoa ha Molao.

IV. Mekhoa ea 'Muso (Boithuto ba Math 5:20-48).

A. Mekhoa e amanang le Bonnete, le Boitlhahiso.

1. Thuto e se e bonts'itse semelo le boikarabello ba ba-phelang 'Musong oa Molimo. Joale re tla khubung ea Thuto. Jesu o bolela mekhoea ea ba phelang 'Musong oa Molimo.

THUTO EA THABENG

Notes

2. Mekhoa e neng e etsoa, e neng e supa bokantle feela (bala tem. 20) e ne e sa lekana (ebile e ne e le mekhoe e fosahetseng). Molao ha se tlhaku kapa bokantle, empa ke bonnete ba Moea. Hoo ke hore, mekhoe e amana le khubu ea molao (bala Bar 2:29; 7:6).

B. Tlhophiso ea Mekhoe e Mecha.

1. Kamor'a selelekela sa tem. Math. 20, karolo e arotsoe likarolo tse ts'eletseng:
 - a. Lehloeo (tem. Math. 21-26).
 - b. feba (tem. Math. 27-30).
 - c. tlhalo (tem. Math. 31-32).
 - d. likano kapa bots'epehi (tem. Math. 33-37).
 - e. phetetso (tem. Math. 38-42).
 - f. lerato (tem. Math. 43-48).
2. Karolo ka ngoe e qaloa ka mantsoe ana **“Le utloile hore ho ile ha thoe/empa ‘na ke re ho lona.”**
 - a. Jesu ha fetola kapa hona ho senya molao (Math. 5:17). O ile a phela ka mokhoe o neng o sa tloaeloa ke batho ba nako ea hae e le hore a ts'oarisise pelo ea molao.
 - b. Tumelo e sa tebang, e bonts'ang bokantle, e etsa hore Molao e be sesupo le ponts'o ea bokantle feela. Jesu o ne a bonts'a hore ho phethoa ha Molao, ha se ponts'o ea bokantle feela, empa ke bonnete le kholiso ea kahare. Hajoale, ts'enolo ea molao e se e le kholo, kahoo tebello ea mekhoe e kholohali.

Ntlha ea Puisano

Sebelisa Jer 31:31-33 ho akofisa puisano ka molao le Mokreste.

THUTO EA THABENG

C. Boleng ba Mekhoa e Mecha.

Notes

1. Jesu o ne a tseba lipelo tsa batho tse tletseng ka thetso le boikaketsi. Kahoo, ha a ka ba batla ho bapala ka mantsoe kapa ho lumella pherekano ea letho ka molaetsa oa Hae. O hlile a toba tabeng, mohloling hantle! (o bonts'a lintho tse patehileng).
2. Ha a bue a ipapisa le bokantle, empa le ka bo-kahare.
 - a. Ho feba ke ho hong. Ke ketso e kantle. Empa ho lakatsa mosali ke ho hong ho fapaneng. Hoo ho amana le bokahare. Leha ketso e sa etsoa, empa pelo kapa maikutlo ha a le molato, molao o robiloe.
 - b. Jesu o ne bonts'a hore mekhoe e lokela ho biluloha ho tloha botebong ba pelo ea motho, kahoo hoo ha ho lumelle boikaketsi ho hlaha joaloka ho loka.
3. Khato ea Evangeli e beha mekhoe e mecha.
 - a. Hang ha Molimo a behella litokelo tsa hae ka thoko hore e be Motho (Baf 2:7), mekhoe ea ho phela e ile ea fetoloa hang. Ngoana a ke ke a batla monyetla o moholo ho feta motsoali. Hoo ke hore, bana ba Molimo ba ke ke ba ts'oarella litokelong empa Molimo a sa ka a ts'oarella ho tsona.
 - b. Haholo mabapi le phetsetso, re lokela ho utloisisa hore Jesu o ne a bua ka ho behella litokelo tsa rona thoko. O ne a bua ka ho shoa bo-rona.
 - 1) Leha ho le joalo, o ne a sa bue ka ho lumella batho ho senya le ho lematsa lelapa la rona e be rona re ba shebeletse.
 - 2) Empa o ne a bua ka ho behella litokelo tsa rona thoko bakeng sa ba bang. O re re itele bakeng sa ho bonts'a lerato, mosa, mamello, le mohau.
 - a) Tem. 38, 39: tela tokelo ea hau (ho otloa lerameng ho bonts'a ho rohako).
 - b) tem. 40: tela lineo tsa hau tsa mathomo (bala Eks 22:26).

THUTO EA THABENG

Notes

- c) tem. 41: tela tokelo ea hau ea ho batla toka (bala 1 Bakr 6:1-8).
- d) Tem. 42: tela tokelo ea hau ea hore “che” ho ba hlokang le ho se lebelleng letho ho tsoa ho bona (bala Lipr 11:15; 17:8; 22:26).

Beha mohlala oa hau

D. Maikutlo a mang.

1. Lemoha kamoo temana tsa 29, 30 li ka sebelisoang ka teng ho ruta ka khalemo ea Kereke, Testamenteng e Ncha (hopola hore Kereke e boleloa e le ‘mele, ‘me litho tsa eona li hlaloso e le litho tsa ‘mele oo).
 - a. Taba ke hore, sepheo sa khalemo Kerekeng ke ho sireletsa seriti le bohloeki ba ‘mele oohle.
 - b. Kahoo, ho tlosa (ho khaola) leihlo (setho sa kereke) ho ka ba molemo bakeng sa ho etsa bonnete ba hore ‘mele o hloekile(Kereke).
2. E ngoe ea lintlha kholo lethathamong la mekhoha ena ke ho lumella mohau, mosa, lereko le lerato ho ba lipaki ho ba bang. Lemoha kamoo Molimo ka sebele sa Hae a sebelisang mekhoha ena ka teng (tem. 45). (bala Lik 17:27; Luk 6:35; le Bar 2:4).
3. Moputso o amana le sehlabelo. E thehiloe tabeng ea ho shoa bo-uena, kapa ho etsa ntho e seng molemong oa Hau. Ha ho se sehlabelo, ha ho moputso (tem. 46).

Ntlha ea Puisano

Sheba taba ena o ipasitse le Luka 21:1-4.

THUTO EA THABENG

4. Qetello ea karolo ena ea Mekhoa ea 'Musong e fumaneha temaneng ea 48. Qetello ke hore re lokela ho batla bophetheho (re be joaloka Jesu).
 - a. Ka mokhoa o akaretsang, re ka khutlela ntlheng eo re buileng ka eona ka polelo ea pele ea ba-lehlohonolo. Ha re lumella Jesu (ea phethehileng) maphelong a rona, re ka phela maphelo a phethehileng.
 - b. Ho ea ka litemana tse haufi (tem. 43-47), re lokela ho utloisisa hore, ho ea ka temana ena, re lokela ho **rata** batho bohle (lemoha pheta-pheto ea taba ea Ntate ea Maholimong temaneng ea 45, 48).

Notes

—

V. Litemoso tsa 'Musong (boithuto ba Math 6:1-24).

A. Kotsi e kholohali ea ba phelang 'Musong, ke ho oela lerabeng la ho hloma le ho shebahala e ka ba phela 'Musong.

1. Sera-seholo sa Bokreste ke ho bonts'a tumelo e nang botebang. Sera se seholo sa 'nete, ke bohata.
2. Sera-seholo sa bosafeleng, ke nakoana. Sera se seholo sa ho tebileng, ke ho sa tebang, ho bobebenyana.
3. Ka kakaretso, re re, ba phelang 'Musong, ba lokela ho **qoba** le ho hlokomela hore ba se ikaketse.

Ntlha ea Puisano

Sebelisa lintlha tseo re li ts'ohlileng ho akofisa puisano mabapi le tumelo e se nang botebo, e tletseng boikaketsi.

B. Phapano pakeng tsa Bopaki/Bosebeletsi (Math 5:16) le Kamano/Ho loka (Math 6:1).

1. Ho Math 5:16, re laeloa ho lumella leseli la rona ho khanyetsa bohle e le hore ba tle ba bone mesebetsi ea rona e metle.
2. Ho Math 6:1, re hlokomelisoa ho se etse mesebetsi ea rona ea bolumeli hore re tle re bonoe ke batho.

THUTO EA THABENG

Notes

3. Na lintlha tsee li ea loants'ana? Che! Re lokela ho elelloa lintho tse peli mona:
 - a. Ha re lumella leseli la rona ho khanya, ha re ipiletse botumo. Re pakela lefats'e ka Jesu hore Eena a khanye. Hopola Jesu **ke** Khanya (Johan 1:7; 8:12).
 - b. Hona le phapano pakeng tsa bosebeletsi le kamano ea rona le Molimo. Bosebeletsi ba rona bo lokela ho bonoa ke bohle e le bopaki. Kamano ea rona le Molimo le ha e ntse e lokela e be le lehlakore le bulehileng, ha ea lokela ho bonahatsoa. Ha ea lokela ho sebelisoa ho bonts'a ho loka ha rona, hobane hoo e ka ba ho loka ha **rona** (ha leseli la rona le khanya, ke ho loka ha Molimo ho bonahatsoang).

Ntlha ea puisano

Sebelisa ntlha eo re seng re e buile ho akofisa puisano.

C. Khaeho ea Litemoso.

1. Kamor'a selelekela se ho Math 6:1, karolo ena e arotsoe likarolo tse 'ne:
 - a. Litemoso mabapi le ho fana (tem. Math 6:2-4).
 - b. Litemoso mabapi le ho rapela (tem. Math 6:5-15).
 - c. Litemoso mabapi le boitimo ba lijo (tem. Math 6:16-18).
 - d. Litemoso mabapi le chelete le lithepa (tem. Math 6:19-24).
2. Likarolo tse tharo tse qalang (ho fana, ho rapela, ho itima lijo) li na le mokhoa o ts'oanang oa khaeho.
 - a. **Ha o etsa ho hong**, se ho etse ka boikaketsi.

THUTO EA THABENG

- b. **Empa ha o etsa ho hong**, ho etse ka ‘nete.
- 1) Taba ea lekunutu e phethoa taelong ka ngoe.
 - a) Lekunutu le tsamaellana le kamano e tebileng. E supa maikutlo a hloekileng.
 - b) Boiponahatso ba botho bo tsamaellana le boikaketsi. E bonts’a bokantle.
 - 2) Taba ea moputso e ntse e boetse e phetoa taelong ka ngoe. Meputso e amana le ho etsa lintho ka ‘nete.
3. Karolo e qetellang (chelete le lithepa) e ea ts’oana.
- a. E laea kamoo re sa lokelang ho etsa ho hong (tem. 19).
 - b. E boentse e bonts’a lehlakore le leng ka lentsoe le bonts’ang phapang e leng **“empa”** (tem. 20).
 - 1) Ka maikutlo a le mang, tema. 19-24 e bonts’a karolo e fapaneng, kapa temoso malebana le maruo.
 - 2) Hape, e bonts’a qetello kapa kakaretso ea likarolo tse tlang pele.
 - a) Haeba re etsa lintho re li etsetsa batho, re tla fumana moputso ho tsoa ho batho (moputso oa ‘nete o tla be o utsoitsoe). Empa haeba re etsa lintho bakeng sa Molimo, re tla fumana moputso ho tsoa ho Molimo (e leng ho ke keng ha utsua ho hang).
 - b) Re ke ke ra sebeletsa Marena a mabeli (tem. 24). Re ke ke ra etsa lintho bakeng sa Molimo le batho.
 - c) Letlotlo la hau ke kamoo o khotsofatsoang kapa o tlatsoang ka teng. Na u khotsofatsoa ke meputso ea batho? Kapa na letlotlo la hau le tsoa ho se fanoang ke Molimo? U etsa lintho bakeng sa mang?
 - d) Moo letlotlo la hau le leng hona teng, pelo ea hau, e hona teng (tem. 21). Molimo o re hlokomelisa ho se fane ka lipelo tsa rona ho batho le ho etsa meputso ea bona matlotlo a hau.

Notes

—

THUTO EA THABENG

Notes

Beha mohlala oa hau

VI. Chalimo ea 'Muso (Boithuto ha Math6:25-34).

A. Bophelo ba 'Muso ke bophelo bo fetohileng ka botlalo. Ha se bophelo bo bonolonyana fela bo sa tebang, bo se nang boitelo. Ha ho etsoe lintho likhaohano. U ke ke oa sebeletsa Molimo le ho hong. U lokela ho itolobetsa 100% ho Molimo kapa ha ho boitolobetso ho hang.

1. **Ka baka lena** (tem. 25), chalimo ea ba phelang 'Musong, e lokela e be ts'epo e tletseng ho Molimo.
2. Ts'epo ena e tletseng e tsoa boinehelong bo tletseng ho Molimo. Ha ho letho le leng leo re ka le ts'epang. Ha ho letho le leng leo re ka inehelang ho lona.
3. Temaneng ea 33, re fumana lipolelo tsena **"batlang 'Muso pele."** Ho tsoa Segerikeng, e tolokoa e le **ho batla kamehla 'Muso oa Hae o 'nots'i.**
 - a. "Pele" e supa hore hona le likhetho tse ling. Leha ho le joalo, lentsoe la segerike bakeng sa "pele" le sebelisoa e le "feela." polelo ena e ka hlaha e le **etsa hore 'Muso oa Molimo e be oona feela tabatabelo ea hau.**
 - b. Hona ha ho bolele hore motho ea phelang 'Musong o lokela ho qhelela le ho se tsotelle lintho tse ling. Hantle-ntle, lintho tsohle tse ling **o tla li ekeletsoa.** Chalimo ea ea phelang 'Musong, ke boinehelo bo tletseng.

THUTO EA THABENG

B. Tholoana ea Chalimo ea 'Muso ke ho se Ts'oenyeha.

1. Sheba makhetlo ao taba ea ho se **its'oenyeha** e phetoang ka oona (bala tem. 25, 27, 28, 31, 37).
2. Hona ke chalimo ea motho ea phelang 'Musong. Ke chalimo ea ts'epo e tlisang khotso. Batho ba 'Muso ha se batho ba ts'oenyehang, hobane mahlo a bona a tsepame ho Khosi.

Notes

—

Beha mohlala oa hau

VII. Sebopeho sa 'Muso (Boithuto ba Math 7:1-12).

A. Tsepamisa mahlo a hau ho Molimo e seng ho batho.

1. Lirapeng tseng tse peli tsa ho qetela, hona ke oona molaetsa o fumanehang teng. Boemong bona, Thuto e haha tlhaloso ea sebopeho sa 'Muso. Re ithuta hore molaetsa oa mantlha oa ts'oana. Tsepamisa mahlo a hau ho Molimo e seng ho batho.
2. Ho ba le sebopeho sa 'Muso ho bolela hore batho ba phelang 'Musong e lokela e be batho ba nang le sebopeho sa borapeli, ho ena le sebopeho sa ho ahlola ba bang.
 - a. Ha re na le sebopeho sa ho ahlola, likelello tsa rona li lula ho batho le mathata a bona.
 - b. Ha re na le sebopeho sa borapeli, likelello tsa rona li tsepama ho Molimo le litharollo tsa Hae.

Ntlha ea Puisano

Sebelisa lintlha tse re buileng ka tsona ho akofisa puisano mabapi le sebopeho sa 'Muso.

THUTO EA THABENG

Notes

B. Sebopeho sa ho ahlola.

1. Taba e ngoe e phetoang, e bonoa mona. Sebopeho sa ho ahlola ke sebopeho sa boikaketsi. Re bona tsela e ngoe eo Thuto e etsang phapano ho eona, e leng ho boikaketsi le 'nete. Ke phapano ea ntho ea bohata khahlanong le 'nete, phapano pakeng tsa ntho ea lefats'e khahlanong le ntho ea leholimong.
2. Re lokela ho hopola hore hona ke khubu ea Thuto. Ke tlhaloso ea thuto ea 'Muso o phahametseng "meetlo le lichaba tsohle" kapa mofuta oa bophelo o hlalositsoeng pejana. Ke bophelo bo fapaneng le bophelo ba lefats'e.
3. Sebopeho sa 'Muso se fapane le sebopeho sa lefats'e. Ho ena le ho ba le sebopeho sa ho ahlola, re lokela ho ba le sebopeho sa borapeli.

Ntlha ea Puisano

Sebelisa ntlha eo re seng re buile ka eona ho akofisa puisano ka ho ahlola.

C. Sebopeho sa Borapeli.

1. Ho thoe, "**haeba halofo ea rona e nka halofo ea nako eo re buang ka batho ba bang, e rapela bakeng sa batho, re khona ho phela halofo e ngoe lefats'eng le betere.**"
2. Hona ke maikutlo a temana tsa. 7-11. Ho ena le ho senya nako e ngata re bua ka batho ba bang, re lokela ho sebelisa nako eo ho rapella batho bao.
3. Taba ke hore Molimo o tla araba ha feela o kopa. Ke phapang e kakaang! Hona ha hoa lokela ho u makatsa, hobane phapano e pakeng tsa sebopeho sa lefats'e le sebopeho sa 'Muso oa Molimo.

THUTO EA THABENG

Beha mohlala oa hau

Notes

D. Qetello libopehong tsa ‘Muso (Math 7:12).

1. “**Ha ho le joalo**” e hlahisa qetello e hokahanyang libopeho tse peli.
2. Ho ena le ho ahlola batho, ba rapelle. Hobaneng? Hobane hoo ke hona hoo o ka ratang ha batho ba o etsa hona. Hona ke sona sebopeho sa ‘Muso.

Ntlha ea Puisano

Sebelisa ntlha eo re buileng ka eona ho akofisa puisano mabapi le kahlolo le thapelo.

VIII. Bonnete ba ‘Muso (Bala Math 7:13-29).

A. Molimo ke Molimo oa ‘nete e seng, Molimo oa leshano.

1. Karolong ea ho qetela e sebetsa e le kakaretso ea tsohle tseo ho buuoeng ka tsona. Taba-kholo e bile phapano pakeng tsa hoo e leng ‘nete, ebile ho tebile (ho tsoa pelong), le hoo e leng ha bohata, boikaketsi, ebile ho sa teba (e le boikhabo feela).

THUTO EA THABENG

Notes

2. Thuto e qetela ka ho tebisa le ho tiisa phapano ena.

- a. Temaneng tsa 13, 14, re na le phapano pakeng tsa menyako e ‘meli.
- b. Temaneng tsa 15-23, re bona phapano pakeng tsa bao e leng ba Molimo ka ‘nete le bao e seng bona.
 - 1) Baprofeta ba bohata le ba ‘nete.
 - 2) Tholoana e monate le e babang.
 - 3) Ba hlileng ba sa kang ba tseba Molimo ka ‘nete (leha ba ne ba **shebahala** ba motseba) le ba hlileng ba tsebang Molimo ka sebele.
- c. Litemaneng tsa 24-27, re bona phapano pakeng tsa matlo a mabeli.
 - 1) E ngoe e hahilo e motheong o ts’oarellang.
 - 2) E ngoe e hahilo e motheong o bonolo.

Ntlha ea Puisano

Sebelisa lintlha tseo re seng re buile ka tsona ho akofisa puisano mabapi le Bokreste ba ‘nete le ba bohata.

B. Molimo ha a thetsoe, ebile ha a qhekelloe.

1. Molaetsa o hlakile ebile o otlolehile karolong ka kakaretso. Molimo ha a thetsoe ebile ha a qhekelloe. Leha ‘nete e ka pateha ha nakoana, empa qetellong, leshano lea senoha.
2. Molimo ke oa ‘nete. ‘Muso oa Hae ke oa ‘nete. Ha ho leshano la letho kahar’a oona, hape ha ho letho la bohata ho ba phelang ho oona.

Ntlha ea Puisano

Sebelisa ntlha eo re seng re buile ka eona ho akofisa puisano ka monyetla oa ba kereki ba ka ‘nang ba se fumane bophelo bo sa feleng.

THUTO EA THABENG

C. Qetello ea Thuto ea Thabeng.

1. Temaneng tsa 28, 29, re fumana qetello Thutong ka mokhoa oa karabelo ea batho.
2. Ba ne ba hloletsoe hobane Jesu o ne a sa bue joalo ka litsebi tsa molao (re boetse re bona sesupo sa phapano ea maphelo a mabeli), empa o ne a bua joaloka ea neng a na le matla.
 - a. Boikaketsi ba Bangoli le litsebi tsa molao, bo ile ba ba thibela hore ba bue ka matla. Matla ke sehlahisoa sa ho phela ka tsela eo o buang ka eona. Jesu o ile a bua ka matla hobane 'Muso oa Hae ke oa 'nete. O ne a bua ka matla hobane bophelo ba hae e ne e le ba 'nete. O ne a bua joaloka Molimo hobane e ne e le Molimo ka sebele.
 - b. Qholotso ea Thuto ke hore haeba re batla ho bua ka matla a ba phelang 'Musong oa Molimo, re hlile re lokela ho phela kahare ho 'Muso oo. Ha ho tsela e ngoe.

Beha mohlala oa hau

Notes

THUTO EA THABENG

Notes

QETELLO

¹James T. Fisher, A Few Buttons Missing: The Case Book of a Psychiatrist (N.Y.: Lippincott, 1951).

²John R.W. Stott, The Message of the Sermon on the Mount (Downers Grove, Ill: Inter-Varsity Press, 1978), p. 15.